



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorum

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

LXIII. Item aliud pro monasterio Arulensi.

urn:nbn:de:hbz:466:1-22974

eligendi Abbatem; qualiter ibidem Deo militantes securus & quietus sub monastica vita degentes, pro nobis & conjugum proleque nostra Domini misericordiam adtentius exorare valeant. Et ut hæc auctoritas per curricula annorum inviolabilem atque inconvulsam obtineat firmitatem, & à fidelibus sanctæ Dei Ecclesiæ & nostris verius certiusque credatur & melius conservetur, de anulo nostro subter iussimus sigillari.

Signum Karoli gloriosissimi Regis.

Ionas Diaconus ad vicem Hludovici recognovit & subscripsit.

Data v. Idus Iuni anno 1111. Indictione VII. regnante Karolo gloriosissimo Rege.

Actum in monasterio sancti Saturnini prope Tolosa in Dei nomine feliciter. Amen.

L XII.

Item aliud pro monasterio sancti Petri Bisuldunensis in diocesi Gerundensi.

An. 844.
Ex archi-
vo monas-
terij Aru-
lensis.

IN nomine sanctæ & individuæ Trinitatis. Karolus gratia Dei Rex. Si petitionibus servorum Dei iustis & rationabilibus aurem celsitudinis nostræ accommodamus, & eorum suggestiones, quas nobis pro necessitate sua insinuaverint, ad effectum perduxerimus, non solum in hoc regiam exercemus consuetudinem, sed etiam ad æternæ retributionis mercedem nobis talia facta profutura confidimus. Ideo noverit sagacitas seu utilitas omnium fidelium tam presentium quam & futurorum qualiter religiosus vir Domnulus Abba ex monasterio sancti Petri, quod ipse in pago Bisuldunense super fluvium Sambuga unâ per licentiam Ramponi Marchionis propriis manibus construxit, ad nostram accedens clementiam, deprecatus est nos ut prædictum locum ei concederemus, atque more regio ipsum sibi commisso supra dictumque monasterium cum cellulis ibidem aspicientibus quæ nuncupantur sic, in loco qui dicitur Ceresius Ecclesia in honore sancti Michaelis Archangeli, novo opere constructa, & in altero loco qui dicitur Casa Mauri, Ecclesia in honore sancti Romani constructa seu villares, Albinianum scilicet, & Bucariolas, omnibusque rebus & hominibus eidem monasterio iustè legaliterque pertinentibus, sub defensionis nostræ tuitione immunitatisque munimine recipere dignemur. Cujus petitionibus clementer annuimus, atque eum, sicut postulavit, prædictumque monasterium sub nostræ defensionis munimine recepimus. Quin etiam hoc * reverentiæ nostræ præceptum fieri iussimus, per quod præcipimus atque iubemus ut nullus iudex publicus vel quislibet ex judiciaria potestate in Ecclesias aut loca vel agros seu reliquas possessiones memorati monasterij, quas moderno tempore infra ditionem regni nostri iustè & rationabiliter possidet, vel quæ deinceps aut per nos aut per alios quosque fideles ac Deum timentes in jure ipsius sancti loci voluerit divina pietas augeri, ad causas audiendas, vel freda exigenda, aut mansiones vel paratas faciendas, necnon & fidei iussores tollendos, aut homines ejusdem Ecclesiæ tam ingenuos quam & servos super terram ipsius com-

* excellen-
tiaz.

manentes distringendos, nec ullas reditiones aut illicitas occasiones requirendas, nostris nec futuris temporibus ingredi audeat, vel ea quæ supra memorata sunt penitus exigere præsumat; sed liceat jam dicto Domnulo Abbati suisque successoribus res prædictæ Ecclesiæ absque alicujus impedimento aut minoratione sub immunitatis nostræ defensione quieto ordine possidere; & quicquid exinde fisco sperare poterat, totum nos pro æterna remuneratione eidem Ecclesiæ concedimus, ut in alimonia pauperum & stipendia servorum Dei ibidem Deo famulantium proficiat in augmentum. Et quandoquidem divina vocatione supradictus Abba vel successores ejus de hac luce migraverint, quandiu ipsi monachi inter se tales invenire poterint qui ipsam congregationem secundum regulam sancti Benedicti regere valeant, per hanc nostram auctoritatem licentiam habeant ex se eligendi Abbatis; quatenus eos pro nobis atque stabilitate regni nostri jugiter Dei misericordiam exorare delectet. Hæc verò auctoritas ut omni tempore inviolabilis valeat permanere, manu propria subter eam firmavimus, & anuli nostri impressione signari iussimus.

Signum Karoli gloriosissimi Regis.

Deormarus Notarius ad vicem Hludovici recognovi.

Data V. Idus Mai Indictione VII. anno 1111. regnante Karolo glorioso Rege.

Actum in monasterio sancti Saturnini prope Tolosa in Dei nomine feliciter. Amen.

L XIII.

Item aliud pro monasterio Arulensi.

IN nomine sanctæ & individuæ Trinitatis. Karolus gratia Dei Rex. Si erga loca divinis cultibus mancipata propter amorem Dei ejusque in eisdem locis sibi famulantes beneficia opportuna largimur, præmium nobis apud Deum æternæ remunerationis rependi non diffidimus. Idcirco noverit omnium fidelium nostrorum tam presentium quam futurorum solertia quia vir venerabilis Recefendus Abba monasterij sanctæ Mariæ in Arulas veniens ad nos obtulit obtutibus nostris auctoritatem Domni & genitoris nostri Ludovici Imperatoris, qua continebatur qualiter prædictum monasterium, ædificatum à Castellano condam valle quæ dicitur Asperia, sub sua immunitate atque defensione cum monachis ibidem Deo famulantibus & omnibus rebus ad se pertinentibus plenissimè suscepisset. Vnde præ-nominatus Abba Recefendus nostram deprecatus est clementiam ut prædictum monasterium de-novo cum monachis ibi consistentibus & cum cellulis ibidem aspicientibus, id est, cum Ecclesia sancti Martini ad ipsas felonicas, in via quæ discurrit ad ipsas clusas, cum ceteris rebus ad prædictum monasterium sanctæ Mariæ pertinentibus vel aspicientibus, sub nostro recipere-mus munde burdo atque tuitione; quatinus idem monachi, cum omnibus ad eos pertinentibus, quietè atque securè viverent. Cujus precibus ob amorem Dei & reverentiam divini cultus aurem ac-

An. 844.
Ex eodem
archivo.

commodare placuit, & hos nostræ auctoritatis regales apices fieri decrevimus; per quos præcipimus atque iubemus ut nullus iudex publicus aut quilibet ex iudiciaria potestate in prædictas cellulas aut in rebus ad prædictum monasterium legaliter aspicientibus ingredi temerario ausu ad mansiones vel paratas faciendas, aut fideiussores tollendos, aut homines ejusdem monasterij distringendos, aut ullas redhibitiones aut illicitas occasiones requirere aut exactare præsumat; sed liceat prædictum Abbatem & successores suos cum his rebus præsentium tempore ad præfatum monasterium aspicientibus, seu etiam à bonorum hominum largitione abhinc delatis, sub nostra defensione quietè vivere ac residere. Et quandoquidem divina vocatione memoratus Abba de hac luce migraverit, quandiu ipsi monachi inter se tales invenerint qui eos secundum regulam sancti Benedicti regere valeant, licentiam habeant eligendi Abbates; quatinus ipsos monachos pro nobis, conjuge, proleque nostra, vel pro stabilitate totius regni nostri jugiter Domini misericordiam exorare delectet. Et ut hæc auctoritas nostris futurisque temporibus Domino protegente valeat inconvulsa manere, manu propria subter firmavimus, & anuli nostri impressione signati iussimus.

Signum Karoli gloriosissimi Regis.

Ionas Diaconus ad vicem Luduovici recognovit.

Datum V II. Kal. Iuli anno 1111. Indictione V II. regnante Karolo gloriosissimo Rege.

Actum in monasterio sancti Saturnini, dum obsideretur Tolosa, in Dei nomine feliciter. Amen.

L X I V.

Item aliud pro Ecclesia Gerundensi.

An. 144.
Ex archivo
Episcopi
Gerunden-
si.

IN nomine sanctæ & individuæ Trinitatis. Karolus gratia Dei Rex. Petitiones denique fidelium nostrorum, quas bonæ voluntatis intentio nostris auribus infert, tanto facilius nostræ clementiæ sunt jure faciendæ quanto eas nostri intellectus iudicio ac divinæ voluntatis nutu probamus minime discrepare. Idcirco notum sit universorum sanctæ Dei Ecclesiæ fidelium atque nostrorum tam præsentium quam futurorum magnitudini quia vir venerabilis Gundemarus Gerundensis Ecclesiæ Episcopus adiens celsitudinis nostræ fastigia, obtulit præcellentiæ nostræ quondam Domini & genitoris nostri Lodoici piissimi Augusti prædecessori suo beato viro Vvmaro factam præcepti auctoritatem, qua continebatur qualiter Dominus & genitor noster præfate sedis matrem Ecclesiam, unâ cum jamdicto antistite & omnibus rebus sibi pertinentibus, sub immunitatis suæ tuitione defensionisque munimine clementer susceperit, & quasdam villas vel alias quascumque res à magno & orthodoxo Karolo Imperatore avo siquidem nostro eidem Ecclesiæ collatas denuo corroborando ipsi sacratissimo loco piissime confirmaverit. Petit namque clementiæ nostræ mansuetudinem eidem honorabilis vir Gunde-

marus Episcopus ut memoratam Domini & genitoris nostri præceptionem renovantes, præfatum suæ sedis matrem Ecclesiam cum omnibus sibi pertinentibus rebus sub immunitatis nostræ tuitione, paternum morem sequentes, recipere dignemur, villasque & alias possessiones quaslibet, sicut dictum est, à Karolo Cesare Augusto eidem Ecclesiæ delegatas denuo per scripti nostri auctoritatem integerrimè confirmare studeamus, atque ut omnium controversatum hominum inquietudines ex eisdem rebus penitus excluderemus, earundem rerum nomina ipsi excellentiæ nostræ præcepto indere juberemus. Cujus inquam petitionibus clementi aure adqueviamus. Quin etiam hoc reverentiæ nostræ præceptum fieri mandavimus; per quod & eundem Episcopum Gondemarum cum suæ sedis matre Ecclesia omnibusque rebus sibi aspicientibus sub nostro mundiburdo constituimus; memoratasque res à serenissimo Augusto avo nostro Karolo ipsi Ecclesiæ condonatas, sicut à Domino & genitore nostro factum est, integerrimè confirmamus. Id est, in pago Empuritano villam quam nuncupant Olianus, & villam Cacavianum, ac villarem antiquum quem vocant Celsianum, & villam Vellofam cum suo castello & suo termino, necnon & villam quæ vocatur Farus, quam sua voluntate & nulla prædictæ Ecclesiæ utilitate quondam Bernardus Comes quodammodo commutando seu concambiando prænominatæ matri Ecclesiæ inrevertenter subtraxerat. Et in pago Gerundensi medietatem villæ Mollet, simul etiam Castellam Fractum, cum villa quæ appellatur Parices Ruffini. Et in pago Bisuldunensi villam quæ nominatur Baschara, cum suis villaribus; necnon & Archas, simul cum villare quem dicunt Spedulas, & aliud villare quod nominant Abdirama, pariter cum aliis diversis villaribus quem appellant Terratellus, & Cassamola, ac villare Adniton; villas etiam duas, id est Crispiano; & in Miliaris, villa Semala. Cunctas denique res, simul cum aliis quas diversis Deum timentes homines rationabiliter supra taxatæ matri Ecclesiæ contraxerunt, unâ cum tertia parte pascuarum, telonij, mercatorumque terræ marisque comitantium, quæ sunt diocesis ipsius Ecclesiæ Gerundensis, Petralatenensis, sive Empuritanensis, ac Bisuldunensis, sicut scriptum est, eidem plenissimè confirmamus, atque per hanc nostram auctoritatem sub immunitatis nostræ defensione integerrimè recipimus. Interea nullius de nostrorum sagacitate latere nolumus quia ad admisionem ejusdem venerabilis Episcopi Gondemari, ob absolutionem peccatorum nostrorum, complacuit clementiæ nostræ crebro nominatæ Gerundensi Ecclesiæ præterea quasdam res conferre legaliter delegare, id est, cellulam sancti Clementis, unâ cum curtilli in quo monachi ibidem Deo famulantes labores manuum exercere videntur, vel in quo res illorum consistunt, necnon & villam quarum alteram nominant Fonsedictus, alteram verò Apiliates, sive Apilas, cum propriis videlicet finibus vel adjacentiis, cultis & incultis, quas etiam res, sicut & supra nominatas, æqua conditione sub defensionis nostræ munimine pariter recipimus, præcipientes atque jubentes ut nullus iudex publicus vel quilibet ex

Y Y y ij